



BOSNIA AND HERZEGOVINA
Ministry of Communication and Transport
Directorate of Civil Aviation

Broj: 1-2-50-498-2/25
Banja Luka, 19. 5. 2025. godine

Na osnovu člana 61. stav (2) Zakona o upravi („Službeni glasnik BiH“, br. 32/02, 102/09 i 72/17), člana 25. stav (1) Zakona o slobodi pristupa informacijama na nivou institucija Bosne i Hercegovine („Službeni glasnik BiH“, broj 61/23), postupajući po zahtjevu Irvina Pekmeza, novinara „Balkan Investigative Reporting Network“ (BIRN BiH) iz Sarajeva, generalni direktor Direkcije za civilno vazduhoplovstvo Bosne i Hercegovine donosi:

RJEŠENJE
o pristupu informacijama

Odobrava se pristup informacijama koje su u vlasništvu Direkcije za civilno vazduhoplovstvo Bosne i Hercegovine (u daljem tekstu: BHDCA), a po zahtjevu Irvina Pekmeza, novinara „Balkan Investigative Reporting Network“ (BIRN BiH) iz Sarajeva.

Obrazloženje

Dana 12. 5. 2025. godine, BHDCA je elektronskom poštom zaprimila Zahtjev za pristup informacijama na osnovu Zakona o slobodi pristupa informacijama na nivou institucija Bosne i Hercegovine (u daljem tekstu: Zakon), u kojem podnosilac zahtijeva sljedeće informacije:

- „- Lista zahtjeva i odobrenih zahtjeva za letenje helikopterom na dan 9. maja 2025. godine, polazište+odredište.
- Lista zahtjeva i odobrenih zahtjeva za letenje helikopterom na dan 10. maja 2025. godine, polazište+odredište.“

Postupajući po navedenom zahtjevu, BHDCA je preduzela sve radnje kako bi prikupila tražene informacije i razmotrila sve činjenice i okolnosti koje su značajne za obradu zahtjeva, a na osnovu čl. 7, 9, 12. i 23. stav (1) Zakona. BHDCA je u cjelosti odobrila pristup informacijama koje su u vlasništvu BHDCA, zbog čega je odlučeno kao u dispozitivu ovog rješenja, i podnosiocu zahtjeva dostavlja informaciju kako slijedi:

BHDCA ne izdaje odobrenja za letove koji se izvode helikopterima.

U skladu sa čl. 13. i 24. stav (1) Zakona, podnosilac zahtjeva oslobođen je plaćanja taksi i naknada na ovo rješenje i informaciju.

Kako podnosilac zahtjeva nije naveo način na koji će mu se dostaviti informacija, ovo rješenje sa traženim informacijama biće dostavljeno elektronskim putem na adresu elektronske pošte sa koje je zahtjev i stigao, u skladu sa članom 22. stav (2) Zakona. Ovo rješenje podnosiocu zahtjeva će dostaviti službenik za informisanje BHDCA sa službene adrese elektronske pošte.

Uputstvo o pravnom lijeku: Protiv ovog rješenja može se, u skladu sa članom 28. stav (2) Zakona, u roku od 15 dana od dana prijema rješenja, podnijeti žalba Žalbenom savjetu pri Savjetu ministara BiH kao drugostepenom organu, na adresu Trg BiH 3/IX, 71 000 Sarajevo. U skladu sa članom 201. stav (2) Zakona o upravnom postupku i Zakona o administrativnim taksama BiH, iznos takse na žalbu, po tarifnom broju 2, iznosi 10 KM.

Dostavljeno:

- irvin.pekmez@birnnetwork.org
- a/a.

